

Mir Fraulöck on Mannslöck von Bonn wollen de Bätthovvehall net affrieße losse

„Die Beethovenhalle gehört den Bonnerinnen und Bonnern!“

(Ovvebürjemeeste Jürgen Nimpsch am 28. Novembe 2009)



De Bonne Stadtrot hätt zweitausendonsibbe beschlosse, op dämm Platz zwesche em Rhing on de Bätthovvehall e „Fess-Spellhus“ baue ze losse. Dovon, datt dofüe ävve de Bätthovvehall sälevs fottköhm, dovon hätt ävve kehne jätt jesaat.

De Poss, de Possbank on de Telekom wollen füe datt „Fess-Spellhus“ ene Hoofe Jäld ussjävve. Se hann ene Architekto-Wättbewerb jemaat on sich dann zwei von dänne Plän ussjesök. De klehne Löck uss Bonn hatten dobei nix metzekamälle. Füe bedse Plän möt ävve de Bätthovvehall fott, troztdämm de Rot dohdrovve zweitaudonsibbe övvehaup nix jesaat hätt.

Mir von de Bürjeiniazitiv „ProBeethovenhalle“ wollen ävve, datt ons Hall stonn bliev. Dofüe hann sich janz normale Löck uss Bonn, ävve och Väeine on andesch Jeschmölz zesammejedonn.

Bürgerinitiative ProBeethovenhalle
kontakt@probeethovenhalle.de



Am bäste wöret, wämme de Bätthovvehall stonn leete!

De Bätthovvehall steet ungerem Dänkmolschutz vom Staat.
Wämme de Bätthovvehall sitt, weiß me direktemang, me es en Bonn.
E Bauwärk, watt esu ussitt, hätt sons kehne. Esujätt affzerieße wör genau et
säleve, als wämme e Archiv aanstäche dät.
De Bätthovvehall steet füe en Zick, womme noch de Hauptstadt wore.
Äresch vell uss dänne Zick hamme joh net mih.

De Bätthovvehall es wichtich füe zu fiére on ze vädehne.
Heh deet sich vell von dämm, watt en Bonn met Kultur ze donn hätt: Heh wiéd
Musik jemaat, heh wiéd jespellt on jesunge. Heh werden Saache ussjeställt,
jekoof, väkoof on Jäld vädehnt. Heh wiéd jedanz, Fastelovend jefiét on vell mih.
Ohn ons Hall wösste me net emol, womme datt all donn dät.

Ons Bätthovvehall ess ene Hoofe Jäld wert.
Domols, nohm Krech, hann vell Bönnsche ihr Nüsele zesammejedonn.
Sons hätten se ons Hall net baue könne. On vüe knapp fuffzehn Johr es ons Hall
füe övve zwanzich Millijone Mark fresch parat jemaat woéde. Wämme de Hall
jetz affrieße däte, hätte me datt Jäld och direck en de Rhing schmieße könne.

Ons Bätthovvehall deet et ons noch lang on jot.
Datt se jetz net mih esu doll es, datt kütt dovon, datt zelätz ze winnisch drahn
jedonn woéde es. Datt kamme ävve widde jot maache, datt moss net äresch düe
wäede. On esu schläch, wie et manchmol jesaat wiéd, klink et övvehaup net
dodrenne. Datt saren och Löck, die dovon äresch vell Ahnung hann.

E Fäss-Spellhus es joh jot on schön.
Ävve daat dofüe ons Bätthovvehall affjeresse wäede soll, datt jeet ons net en de
Kopp erenn. On wer datt well, der krett et met ons ze donn!

Datt Kunsthistorische Institut von de Universität en Bonn kann Üch de
Bätthovvehall ens richtich zeje. Unge [www.initiative-
beethovenhalle.de](http://www.initiative-beethovenhalle.de) könnt ühe noch vell mih dohdrövve läse.

**Jezz könnt ühr met aanpacke! Ühe mööt methälefe,
datt ons Bätthovvehall füe emme stonn blief!**

V.i.S.d.P. Bürgerinitiative ProBeethovenhalle, H. Hinterkeuser, Adelheidisstr. 3, 53225 Bonn
Tel. 0171 47 44 168

Spendenkonto beim Denkmalverein Bonn e.V. Nr. 14 800 14, Volksbank Bonn-Rhein-Sieg (BLZ 380 601 86)
Kennwort „Beethovenhalle“. Auf Wunsch wird eine steuerliche Spendenbescheinigung ausgestellt.